

SASTERA &  
BUDAYA

Oleh Nurimas SN

mingguan malaysia (27/3/2022) page 29



FOTO-  
FOTO lama  
bersejarah  
yang  
terdapat  
di sini.



BANGUNAN Muzium Bugis di Taman rekreasi Rambah, Pontian.

# Muzium Bugis simpan khazanah

**D**AERAH Pontian, yang terdiri daripada 11 mukim terletak di Pantai Barat Johor Darul Takzim. Daerah ini terkenal dengan tanaman nanas yang amat signifikan dengan tanah gambut. Malah suatu ketika dahulu, nanas mendominasi hasil komoditi pertanian utama di negeri itu.

Di samping itu, Tanjung Piai yang terletak di Kukup diiktiraf sebagai 'Penghujung Benua Asia' merupakan antara tarikan pelancong dalam dan

dan Husni Latif yang secara bergilir menjaga operasi harian muzium.

Muzium ini tidak diuruskan secara formal, bahkan dikendalikan oleh pewaris Allahyarham Abdullah Ahmad sendiri.

Di samping itu muzium ini juga mendapat khidmat secara sukarela daripada beberapa pengamal budaya dan pencinta tinggalan etnik Bugis tempatan. Majlis Perbandaran Pontian memperuntukkan elaun kepada petugas berjumlah RM800 dan menanggung perbelanjaan utiliti.

Beberapa pengubahsuaian dan penambahbaikan ruang pameran telah dilakukan. Terdapat kira-kira 2,000 artifak bersejarah dipamerkan di sini yang dibahagikan kepada beberapa bahagian.

Selepas Indera Kusumawati mengambil alih pengurusan, beliau berusaha memperkemas lagi direktori bahan dan susunan artifak agar lebih menarik.

"Saya telah menyusun semula ruang dan bahan bersejarah tersebut mengikut tujuh kategori seperti; Bahagian Sejarah Awal Bugis di Malaysia, peralatan senjata, alat-alat muzik Bugis, alat-alat pertanian, alatan dapur dan rumah, peralatan perkahwinan dan busana Bugis," katanya kepada penulis.

Di antara tinggalan yang

luar negara. Di sini juga terdapat taman marina yang indah dan restoran yang menyajikan menu yang lazat menyelerakan.

Di daerah ini jugalah menempatkan sebuah muzium yang sangat penting dalam sejarah tanah air kita. Muzium Bugis, terletak di Taman Rekreasi Sungai Rambah, kira-kira 7.7 kilometer dari bandar Pontian. Prasasti ini sering menjadi sumber rujukan utama pengkaji dan peminat sejarah menekuni salasilah dan keberadaan masyarakat Bugis di Johor dan Malaysia amnya.

Bangunan yang dibina oleh Majlis Perbandaran Pontian (MPPn) ini sebenarnya dimulakan dengan prakarsa sebuah keluarga etnik Bugis, yang mengumpulkan bahan-bahan dan artifak bersejarah persendirian keturunan mereka. Kegigihan mereka kinilah yang menjadi asas tertubuhkan Muzium Bugis di sini.

Allahyarham Abdullah Ahmad bersama ahli keluarga mereka menjadi pelopor dengan menghadiahkan barang-barang tinggalan persendirian. Sejarah awal penubuhan muzium tersebut bermula pada sekitar 1982. Beliau menjadikan rumahnya di Teluk Kerang, Pontian sebagai tempat



**ANTARA** barangan lama yang terdapat di musim tersebut.

pengumpulan bahan bersejarah tersebut.

Pada 26 Julai 1994, Yayasan Warisan Johor mengisytiharkannya sebagai Muzium Bugis pertama di Malaysia. Proses penambahbaikan dan penyeliaan dilakukan oleh MPPn dari semasa ke semasa. Pada 2011, MPPn menawarkan sebuah bangunan kekal bagi menempatkan artifak bersejarah tersebut. Kini

Musim Bugis tersergam megah di Taman Rekreasi Sungai Rambah, Pontian.

Di antara bahan-bahan awal yang disimpan adalah gambar foto lama hitam putih, peralatan rumah dan harian serta pakaian tradisi masyarakat Bugis. Muzium ini mulanya dikenali sebagai Rumah Warisan Bugis. Usaha murni Allahyarham ini akhirnya, mendapat pengiktirafan daripada kerajaan negeri Johor.



**INDERA KUSUMAWATI  
ABDULLAH**

Menurut Indera Kusumawati Abdullah, waris kepada Allahyarham Abdullah Ahmad, dia dan beberapa ahli keluarga mengambil inisiatif meneruskan legasi ayahandanya mengendalikan muzium tersebut. Itu adalah wasiat Allahyarham sebelum menghembuskan nafas terakhir.

“Setelah ayah saya meninggal dunia pada 27 November 2019, saya sebagai anak ketiga telah menguruskan perjalanan muzium ini,” ujarnya yang kini bertindak sebagai pengurus.

Dia turut dibantu oleh Rahindrafatmawati Abdullah

Di antara tinggalan yang masih dijaga rapi adalah pedang, keris dan senjata kebesaran, peralatan tembikar, pinggan mangkuk, pisau menoreh getah, busana pengantin dan mesin getah lama. Selain itu, keratan akhbar, sejarah kedatangan etnik Bugis dan gambar foto lama banyak tersimpan di sini.

Menurutnya lagi, pengunjung boleh datang tanpa dikenakan sebarang bayaran. Muzium itu dibuka setiap hari bermula pukul 10 pagi hingga 6 petang.

Taman Rekreasi Sungai Rambah yang turut menempatkan taman permainan kanak-kanak, tempat jualan dan pesisir Sungai Rambah yang indah memudahkan pelawat menjalankan aktiviti kekeluargaan sambil mendapatkan ilmu dan pengetahuan mengenai etnik Bugis di muzium ini.

Muzium ini sering menjadi tempat kunjungan cendekia dan para pelajar untuk membuat kajian lapangan. Delegasi peserta Hari Sastera Nasional 2021 baru-baru lalu antara yang singgah ke sini. Juga menjadi antara destinasi lawatan wajib dalam kalender pelancongan ke Johor.